

pugnantiæ eundem: Certo tamen certius est, Salia
hæc variorum corpusculorum & particularum esse
congeries, & valde diversa complecti principia & ele-
menta. Hinc acetum præter particulas acidas,
etiam ramosas volatiles sulphureas continet: in sale
tartari qvippe hoc coagulatum & destillatum copio-
sum spiritum alcalinum, multumqve olei fundit. Sp.
Nitri in sale volatili vel fixo alcalino concretus con-
constituit Sal inflammabile figuræ prismaticæ, indicio
sulphuris, in spiritu nitri latitantis. Sp. Vitrioli cum
Spiritu Vini rectificatissimo destillatus magnam terræ
quantitatem in fundo retortæ relinqvit. Taceo! effe-
ctus horum acidorum qvoad usum mechanico-chy-
micum longe diversissimum. Sic sp. nitri vel aqua
fortis, qvæ nil nisi Spiritus nitri per fermentationem
cum vitriolo exaltatus est, solvit argentum, intacto au-
ro, qvod saltim aggreditur spiritus salis vel aqua regis,
& vice versa lunam relinqvit Salvam. Notabile est
oleo vitrioli solvi posse omnia metalla: qvem effectum
non aliud sal etiam summe concentratum præstat. Vi-
triolum, qvod ex martis corpore cum spiritu nitri, sa-
lis & vitrioli seorsim præparatum est, mirum discre-
pat sapore, colore, consistentia & ipso effectu. Idem
etiam contingit circa salia volatilia & fixa, qvæ licet in
destructione acidi conspirent, diversissima tamen sunt
ratione effectus & operationis. Hinc quantum salia
volatilia Urinæ, sangvinis humani, cranii humani, fuli-
ginis, tartari, lucii piscis, viperarum, qvoad diversos in
debellandis morbis effectus, inter se differant, Sanio-
res Practicorum optime norunt. Sal volatile cantha-
ridum vesiculas adhuc excitasse observatum fuit ab